



Publicaziuns dalla vischnaunca, jamna 25

Damonda da baghegiar

2019-1022.000

Datum dalla publicaziun: 21 da zercladur

Il patron: Berther Holding AG, Via Sogn Placi 2, 7180 Disentis/Mustér

Il representant: Berther Bau und Industrie AG, Via Sogn Placi 2, 7180 Disentis/Mustér

Object: Construcziun d'in plaz per magasinar purtaders da fier, parcella 189, Via Foppas 2, 7180 Disentis/Mustér

Protestas:

Ils plans da construcziun ein deponi tier l'administraziun communal. L'envesta publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 18 da zercladur 2019

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandontas lubientschas da baghegiar:

Nr. 2019 – 1010.000

Felici e Rita Durschei-Maissen, Via Latis 11, 7180 Disentis/Mustér; baghetg d'economia, midada d'intent en ina casa da habitar, parcelas 73,74,75, Via Sut Vitg 12, 7186 Segnas.

Nr. 2019 – 1015.000

Oechslin Niklaus ed Edith, Kreuzgasse 70, 7000 Cuera; sanaziun dalla habitaziun sut il tetg (habitaziun nr. 14, baghetg nr. 16), parcella 912, Via Sursilvana 5, 7180 Disentis/Mustér.

Disentis/Mustér, ils 18 da zercladur 2019

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2019 – 2028.000

STWEG Casa Dentervals, Via Acletta 25, 7180 Disentis/Mustér; sanaziun dalla fatschada digl edificci nr. 783D sin parc. 1673, Via Acleta 29, 7180 Disentis/Mustér.

Nr. 2019 – 2030.000

Simon Deflorin, Via Davos-Mustér 5, 7180 Disentis/Mustér; ereger ina bargia da lenna sin parcella 854, Via Davos-Mustér 5, 7180 Disentis/Mustér.

Nr. 2019 – 2031.000

STWEG Casa Flepp, Via Clavianev 3, 7180 Disentis/Mustér; sanaziun dil mir da sustegn e remplazzament dalla seiv existenta sin parcella 1441, Via Clavianev 3, 7180 Disentis/Mustér.

Nr. 2019 – 2032.000

STWEG Casa Ucliva, Via Funs-Dado 1, 7180 Disentis/Mustér; lavurs da manteniment vid las fatschadas digl edificci nr. 224, nova pergola, niev plaz da seser ed in indrez da termagliar, Via Funs-Dado 1, 7180 Disentis/Mustér.



Nr. 2019 – 2034.000

Georgina Berther-Janka, Via Buretsch 11, 7186 Segnas e Claudia Berther-Bearth, Via Salez 3, 7186 Segnas; lavurs da manteniment vid las fatschadas digl edifeci nr. 399A, parcella 1120, Via Peisel 11, 7186 Segnas.

Nr. 2019 – 2035.000

Gieri Giossi-Bonadurer, Via Caschuarz 3, 7180 Disentis/Mustér; cuntinuaziun dalla seiv da curtin existenta sin parcella 547, Via Caschuarz 3, 7180 Disentis/Mustér.

Nr. 2019 – 2037.000

Placi Manetsch-Ziegler, Via Crestas 13, 7183 Mumpé Medel; adattar il terren e metter sulada denter casa ed il clavau sin las parcelas 2168 e 2183 Via Crestas 13, 7183 Mumpé Medel.

Nr. 2019 – 2043.000

Fejzula Sopi, Gartenstrasse 2, 8902 Urdorf; lavurs da manteniment vid la fatschada digl edifeci nr. 112 sin parcella 802, Via Raveras 1, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 12 da zercladur 2019

Uffeci da baghegiar Disentis/Mustér

Novas uras da spurtegl

Naven digl **1. da fenadur 2019** ha l'administraziun communal novas uras da spurtegl. Da niev ei il spurtegl serraus la gievgia avonmiezdi. Las ulteriuras uras d'avertura restan sco tochen dacheu:

gliendisdis, mardis, mesjamna e venderdis

9.00–11.30 14.00–17.00

gievgia avonmiezdi serraus 14.00–17.00

Nus supplichein da risguardar quella mutaziun.

Administraziun communal

**Via d'uaul Punt da Brulf–Fontanivas
Serrada dalla via**

Muort las lavurs da construcziun per slargar e rinforzar la via d'uaul sto quella vegnir serrada per tut traffic motorisau sil tschancun naven dalla Punt da Brulf entochen tier il stan da sittar a Sars–Fontanivas. Per pedunzs e velocipedists ei il passadi adina pusseivels. Las lavurs da construcziun cuozan entochen miez fenadur 2019. Per sclariment stat il biro da planisaziun Enzler Bauleitungen, telefon 081 250 35 35 ni il selvicultur da revier Simon Cathomen, telefon 081 920 36 41 bugen a disposiziun. Nus supplichein da prender enconuschientscha da quests avis.

Bien engraziament per la capientscha.

Disentis/Mustér, ils 13 da mars 2019

Uffeci forestal Disentis/Mustér



Taglia da tgauns 2019

Possessurs ch'acquistan da niev in tgaun ein obligai da vegnir enteifer 30 dis personalmein al spurtegl dall'administraziun communal per cumprovar la registraziun dil microchip. Il conto sin la plattafuorma da datas Amicus vegn endrizzaus entras l'administraziun communal. Mintga possessur ei obligaus da registrar acquists, surdadas, mortoris ed exports d'in tgaun. Ils possessurs da tgauns han retschert directamein in quen cun la taglia da tgauns. Quella munta pigl'emprems tgaun a frs. 120.– e per mintga ulteriur tgaun ella medema casada a frs. 180.– per onn.

Possessurs da tgauns ch'ei buca registrai tier Amicus ed han tras quei buca retschert in quen ein supplicai da s'annunziar tier l'administraziun communal. Cun ils mussaments necessaris ein possessurs da tgauns da polizia, tgauns da lavinas sco era tgauns per tschocs e suords deliberai dalla taxa.

Administraziun communal

Controlla da habitonts

Mortori

Giusep Deplazes-Maissen, naschius ils 9 da zercladur 1939, morts ils 16 da zercladur 2019

Pumpiers Sursassiala

Incorporaziun 2020

Persunas che giavischan da prestar survetsch activ da pumpiers san s'annunziar entochen ils **30 da zercladur 2019** al comando da pumpiers, Via Salez 11, 7186 Segnas (info@pumpiers.ch). Ulteriuras persunas tenor indicaziun dall'administraziun communal vegnan contactadas directamein a scret. *Pumpiers Sursassiala*

poly.kids

Anmeldung siehe Gemeinde Ilanz/Glion

Uniun da catschadurs Péz Alpetta

Salvament d'anseuls

Preziai purs

Ussa ei il temps che las cauras-cavriel fan ansiel. Stedi sesanflan ellas cun lur anseuls en praus che vegnan segai. Aschia vegnan mintga onn anseuls per la veta entras maschinas da segar. Cun pign engaschi san ins evitar quei. Purs che fan fein en loghens nua che cavreuls sesanflan, ein supplicai da s'annunziar tier nus in di avon segar. Aschia savein nus montar mintgamai ina bandiera el prau pertuccont. Entras il disturbi da quellas prenda las cauras ils anseuls ord il prighel. Annunzias saveis far tier il cau da tgira (079 293 41 02) ni al guardiaselvaschina (079 397 35 54).

Bien engraziament per Vossa collaboraziun.

Uniun da catschadurs Péz Alpetta



Cuors da reiver per affons 2019 a Mustér/Lai Alv Informaziun

Ei ha aunc entgens paucs plazs al cuors da reiver a Lai Alv. Uonn meina la colonna d'agid Mustér atras ils cuors da reiver per affons d'uront las suandontas duas jamnas:

1. jamna 14-7-19-7-2019
2. jamna 21-7-26-7-2019

Prender part san affons dallas annadas 2003-2010. Annunzias ein da far en scret entochen ils 30 da zercladur 2019 a Marco Schmed, Via Plauncas 1, 7180 Mustér. Per ulteriur sclariment statt medemamein Marco Schmed a disposiziun, tel. 081 947 42 02.
E-mail: laialv@disentis.ch *Colonna d'agid Mustér*

Uniun da dunnas Disentis/Mustér

Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da sentupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Cunquei ch'igl artgin ha gia vacanzas sentupein nus bugen da bial'aura allas 15.00 sin la piazza da giug tier il center da sport. Da malaura ha la sentupada buca liug. Engrazia per vossa capientscha!

Proxima sentupada: gievgia, ils 27 da zercladur 2019

Temps: 15.00-16.30
Liug: Piazza da giug, Center da Sport

Prender cun: marena e termagls Ulteriuras informaziuns e datums anfleis Vus sut www.uddm.ch
Cordialmein envida *Uniun da dunnas, ressort affons*

Invitaziun Seniora-Ca

Gievgia, ils 27 da zercladur 2019 allas 13.30 ell'ustria dil hotel «Cucagna», tier troccas/jass/giugs e caffè/petta. Pusseivladad da gentar allas 12.00 ell'ustria dil hotel «Cucagna». Salata, plat principal per in prezi favoreivel. Annunzia pil gentar tochen mardis, ils 25-6-2019 allas 17.00 a Puntreis sut 081 929 56 56.
Post d'informaziun Seniora-Ca

Uniun samaritana Mustér

L'acziun da spender saung per donaturas e donaturs dallas vischnauncas da Medel e Mustér ha liug:
Gliendisdis, ils 24 da zercladur 2019 dallas 18.00-20.00 en halla Cons.
Nus engraziein grondamein per quei bien survetsch en favur da malsauns e disgraziai e sperein sin ina stedia participaziun. *Uniun samaritana Mustér*

Apparat d'udida

Gliendisdis, ils 1 da fenadur 2019 saveis Vus schar schubergiar e rugalar Vies aparat d'udida:
9.15-10.30 en Casa sogn Martin a Trun 1
1.00-11.45 en Casa sogn Giusep a Cumpadials
13.15-14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunablamein quei survetsch gratuit per tuts interessents. Ei drova negina annunzia.